

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

ALKATETZA ETA ERAKUNDE HARREMANEN SAILA

Euskara

Udako Euskal Unibertsitateak antolatutako ikastaroetara joateko bekak arautzen dituzten berriazko oinarriak. Vitoria-Gasteizko udalaren 2020. urteko deialdia

2020ko abuztuaren 7an egindako bilkuran Tokiko Gobernu Batzarrak onetsi egin zituen 2020. urtean zehar Udako Euskal Unibertsitateak antolatutako ikastaroetara joateko diru-laguntza deialdia arautuko duten berriazko oinarriak.

Diru-laguntzei buruzko azaroaren 17ko 38/2003 Lege Orokorrean eta lege horren araudia onetsi zeneko uztailearen 21eko 887/2006 Errege Dekretuan arautuaren ildotik, eta orobat Toki Korporazioen Zerbitzuen Araudiaren 23. artikuluan eta hurrengoetan eta Vitoria-Gasteizko Udalbatzak 2005eko ekainaren 17ko ohiko osoko bilkuran hasierako onespena eman zion eta 2006ko urtarrilaren 13ko ALHAOn -5. zenbakia- argitaratu zen Vitoria-Gasteizko Udalaren Diru-laguntzak arautzeko Ordenantzan arautuaren ildotik, argitara ematen dira, denek izan dezaten horien berri.

Vitoria-Gasteizen, 2020ko irailaren 3an

Alkatezaren eta Erakunde Harremanen Saileko zinegotzi ordezkaria
AMAIA BARREDO MARTIN

Sarrera

2019ko abenduaren 9an onetsi zituen Tokiko Gobernu Batzarrak Vitoria-Gasteizko Udalaren dirulaguntzen deialdiak arautzen dituzten oinarri orokorrak. 2019ko abenduaren 23ko ALHAOn (147. zenbakia) argitaratu ziren oinarri orokor horiek, eta Udalaren webgunean kontsulta daitezke www.vitoria-gasteiz.org, baita herritarrei laguntzeko bulegoetan ere. Berriazko deialdi honetara aurkeztu nahi duten pertsona eta entitateek oinarri orokor horietara jo beharko dute xehetasunak jakiteko: eskabideak non eta nola aurkeztu, entitate eskatzaileen eskubideak eta betebeharrak, izapidetzea, dokumentazioa nola aurkeztu, ebazteko eta jakinarazteko epea, beste dirulaguntza batzuekiko bateragarritasuna, arau-hausteak eta zigorrak, araudi aplikagarria eta interpretazioa, etab.

1. Dirulaguntzen ildoak

Herritarrei euskara ikasten laguntzea (6.1). UEU Udako Euskal Unibertsitateak antolatutako ikastaroetara joateko bekak.

2. Deialdiaren xedea

Udako Euskal Unibertsitateak 2020ko urtarrilaren 1etik 2020ko azaroaren 20ra bitartean antolatzen dituen ikastaroetara joateko bekak ematea.

3. Onuradunen betebeharra

- Ikastaroa hasten den eguna baino urtebete lehenagotik Vitoria-Gasteizko udalerrian errolatuta egotea.
- Matrikula egiten den unean langabea izatea edo unibertsitate-ikasketak egiten aritzea.
- Deialdia arautzen dituen ikastaroetara joatea.

4. Baliabide ekonomikoak

Deialdi honen ildotik ematen diren bekak Alkatetzaren eta Erakunde Harremanen Udal Sailaren 2020ko ekitaldiko aurrekontuetako 2020/0171.3351.48001 partidan jasotako aurrekontu-kredituaren kontura joango dira; beraz, gehienez 1.000,00 euro baliatu ahal izango dira horretarako.

5. Aurkezteko epea

Eskabideak aurkezteko epea 2020ko azaroaren 23an amaituko da. Eskabidea Udalaren webgunean eskura daiteke (eskabide bakarra).

Vitoria-Gasteizko Udalaren Diru-laguntzetarako Deialdia Arautzeko Oinarri Orokorren 4.3. atalean aipatzen diren lekuetan aurkeztu ahal izango dira eskabideak.

6. Instrukzioa eta ebazpena

Tokiko Gobernu Batzarrak Alkatetzaren eta Erakunde Harremanen Saileko zinegotzi ordezkariaren esku uzten du diru-laguntza hauek emateko eskumena.

Alkatetzaren eta Erakunde Harremanen Saileko Euskara Zerbitzuak egingo dio diru-laguntzak emateko proposamena Alkatetzaren eta Erakunde Harremanen Saileko zinegotzi ordezkariari, azaroaren 17ko Diru-laguntzei buruzko 38/2003 Lege orokorraren 22. artikulua ildotik eratu den kide anitzeko organo baten bitartez. Hiru kidek osatuko dute delako organoa: Euskara Zerbitzuko buruak edo ordezko izendatzen duen pertsonak, eta Euskara Zerbitzuko bi teknikaririk.

Gehienez bi hilabeteko epean ebatziko da deialdia, eskabideak aurkezteko epea (ikus bosgarren oinarria) bukatzen den egunetik kontatuta. Ebazpena interesdunei jakinarazteaz gain, udaleko iragarki-taulan eta ALHAOn argitaratuko da.

7. Bekak ordaintzeko eta emateko prozedura (hainbanaketa)

Jarritako baldintzak betez gero, irakaskuntzari dagozkion gastuak bere osotasunean ordainduko dira ikastaroa Vitoria-Gasteizen izan ez bada; ez, ordea, ostatuari eta otorduei dagozkienak. Vitoria-Gasteizko ikastaroak badira, irakaskuntza gastuen ehuneko laurogeia. Gehienez bi ikastarotarako jaso ahal izango da diru-laguntza eta 300,00 euroko muga gainditu gabe.

Eskabideek horretarako dagoen kreditua gainditzen badute, behar den hainbanaketa aplikatuko zaie. Kreditua osoa gaindituko ez balu, 2020/0171.3351.48001 diru-partidaren kredituari gaineratuko litzaioke soberakina.